

江西单招必背古诗文

(1) 关雎

诗经·国风·周南〔先秦〕

关关雎鸠，在河之洲。窈窕淑女，君子好逑。
参差荇菜，左右流之。窈窕淑女，寤寐求之。
求之不得，寤寐思服。悠哉悠哉，辗转反侧。
参差荇菜，左右采之。窈窕淑女，琴瑟友之。
参差荇菜，左右芣之。窈窕淑女，钟鼓乐之。

(2) 静女

诗经·国风·邶风〔先秦〕

静女其姝，俟我于城隅。爱而不见，搔首踟蹰。
静女其娈，贻我彤管。彤管有炜，说怿女美。
自牧归荑，洵美且异。匪女之为美，美人之贻。

(3) 蒹葭

诗经·国风·秦风〔先秦〕

蒹葭苍苍，白露为霜。所谓伊人，在水一方。溯洄从之，道阻且长。溯游从之，宛在水中央。

蒹葭萋萋，白露未晞。所谓伊人，在水之湄。溯洄从之，道阻且跻。溯游从之，宛在水中坻。

蒹葭采采，白露未已。所谓伊人，在水之涘。溯洄从之，道阻且右。溯游从之，宛在水中沚。

(4) 采薇

诗经·小雅·鹿鸣之什〔先秦〕

采薇采薇，薇亦作止。曰归曰归，岁亦莫止。靡室靡家，玁狁之故。不遑启居，玁狁之故。

采薇采薇，薇亦柔止。曰归曰归，心亦忧止。忧心烈烈，载饥载渴。我戍未定，靡使归聘。

采薇采薇，薇亦刚止。曰归曰归，岁亦阳止。王事靡盬，不遑启处。忧心孔疚，我行不来！

彼尔维何？维常之华。彼路斯何？君子之车。戎车既驾，四牡业业。岂敢

定居? 一月三捷。

驾彼四牡，四牡騤騤。君子所依，小人所腓。四牡翼翼，象弭鱼服。岂不日戒? 猷猷孔棘!

昔我往矣，杨柳依依。今我来思，雨雪霏霏。行道迟迟，载渴载饥。我心伤悲，莫知我哀!

(5) 观沧海

曹操〔两汉〕

东临碣石，以观沧海。
水何澹澹，山岛竦峙。
树木丛生，百草丰茂。
秋风萧瑟，洪波涌起。
日月之行，若出其中；
星汉灿烂，若出其里。
幸甚至哉，歌以咏志。

(6) 饮酒·其五

陶渊明〔魏晋〕

结庐在人境，而无车马喧。
问君何能尔? 心远地自偏。
采菊东篱下，悠然见南山。
山气日夕佳，飞鸟相与还。
此中有真意，欲辨已忘言。

(7) 送杜少府之任蜀州

王勃〔唐代〕

城阙辅三秦，风烟望五津。
与君离别意，同是宦游人。
海内存知己，天涯若比邻。
无为在歧路，儿女共沾巾。

(8) 使至塞上

王维〔唐代〕

单车欲问边，属国过居延。



征蓬出汉塞，归雁入胡天。
大漠孤烟直，长河落日圆。
萧关逢候骑，都护在燕然。

(9) 闻王昌龄左迁龙标遥有此寄

李白〔唐代〕

杨花落尽子规啼，闻道龙标过五溪。
我寄愁心与明月，随君直到夜郎西。

(10) 行路难·其一

李白〔唐代〕

金樽清酒斗十千，玉盘珍羞直万钱。
停杯投箸不能食，拔剑四顾心茫然。
欲渡黄河冰塞川，将登太行雪满山。
闲来垂钓碧溪上，忽复乘舟梦日边。
行路难，行路难，多歧路，今安在？
长风破浪会有时，直挂云帆济沧海。

(11) 望岳

杜甫〔唐代〕

岱宗夫如何？齐鲁青未了。
造化钟神秀，阴阳割昏晓。
荡胸生曾云，决眦入归鸟。
会当凌绝顶，一览众山小。

(12) 春望

杜甫〔唐代〕

国破山河在，城春草木深。
感时花溅泪，恨别鸟惊心。
烽火连三月，家书抵万金。
白头搔更短，浑欲不胜簪。

(13) 茅屋为秋风所破歌

杜甫〔唐代〕



八月秋高风怒号，卷我屋上三重茅。茅飞渡江洒江郊，高者挂胃长林梢，下者飘转沉塘坳。

南村群童欺我老无力，忍能对面为盗贼。公然抱茅入竹去，唇焦口燥呼不得，归来倚杖自叹息。

俄顷风定云墨色，秋天漠漠向昏黑。布衾多年冷似铁，娇儿恶卧踏里裂。床头屋漏无干处，雨脚如麻未断绝。自经丧乱少睡眠，长夜沾湿何由彻！

安得广厦千万间，大庇天下寒士俱欢颜！风雨不动安如山。呜呼！何时眼前突兀见此屋，吾庐独破受冻死亦足！

(14) 白雪歌送武判官归京

岑参〔唐代〕

北风卷地白草折，胡天八月即飞雪。
忽如一夜春风来，千树万树梨花开。
散入珠帘湿罗幕，狐裘不暖锦衾薄。
将军角弓不得控，都护铁衣冷难着。
瀚海阑干百丈冰，愁云惨淡万里凝。
中军置酒饮归客，胡琴琵琶与羌笛。
纷纷暮雪下辕门，风掣红旗冻不翻。
轮台东门送君去，去时雪满天山路。
山回路转不见君，雪上空留马行处。



(15) 早春呈水部张十八员外

韩愈〔唐代〕

天街小雨润如酥，草色遥看近却无。
最是一年春好处，绝胜烟柳满皇都。

(16) 酬乐天扬州初逢席上见赠

刘禹锡〔唐代〕

巴山楚水凄凉地，二十三年弃置身。
怀旧空吟闻笛赋，到乡翻似烂柯人。
沉舟侧畔千帆过，病树前头万木春。
今日听君歌一曲，暂凭杯酒长精神。

(17) 观刈麦

白居易〔唐代〕

田家少闲月，五月人倍忙。
夜来南风起，小麦覆陇黄。
妇姑荷箬食，童稚携壶浆，
相随饷田去，丁壮在南冈。
足蒸暑土气，背灼炎天光，
力尽不知热，但惜夏日长。
复有贫妇人，抱子在其旁，
右手秉遗穗，左臂悬敝筐。
听其相顾言，闻者为悲伤。
家田输税尽，拾此充饥肠。
今我何功德？曾不事农桑。
吏禄三百石，岁晏有余粮，
念此私自愧，尽日不能忘。

(18) 钱塘湖春行

白居易〔唐代〕

孤山寺北贾亭西，水面初平云脚低。
几处早莺争暖树，谁家新燕啄春泥。
乱花渐欲迷人眼，浅草才能没马蹄。
最爱湖东行不足，绿杨阴里白沙堤。

(19) 赤壁

杜牧〔唐代〕

折戟沉沙铁未销，自将磨洗认前朝。
东风不与周郎便，铜雀春深锁二乔。

(20) 泊秦淮

杜牧〔唐代〕

烟笼寒水月笼沙，夜泊秦淮近酒家。
商女不知亡国恨，隔江犹唱后庭花。

(21) 夜雨寄北

李商隐〔唐代〕

君问归期未有期，巴山夜雨涨秋池。
何当共剪西窗烛，却话巴山夜雨时。

(22) 无题

李商隐〔唐代〕

相见时难别亦难，东风无力百花残。
春蚕到死丝方尽，蜡炬成灰泪始干。
晓镜但愁云鬓改，夜吟应觉月光寒。
蓬山此去无多路，青鸟殷勤为探看。

(23) 相见欢

李煜〔五代〕

无言独上西楼，月如钩。寂寞梧桐深院锁清秋。
剪不断，理还乱，是离愁。别是一般滋味在心头。

(24) 浣溪沙

晏殊〔宋代〕

一曲新词酒一杯，去年天气旧亭台。夕阳西下几时回？
无可奈何花落去，似曾相识燕归来。小园香径独徘徊。

(25) 登飞来峰

王安石〔宋代〕

飞来山上千寻塔，闻说鸡鸣见日升。
不畏浮云遮望眼，自缘身在最高层。

(26) 江城子·密州出猎

苏轼〔宋代〕

老夫聊发少年狂，左牵黄，右擎苍，锦帽貂裘，千骑卷平冈。为报倾城随太守，亲射虎，看孙郎。

酒酣胸胆尚开张。鬓微霜，又何妨！持节云中，何日遣冯唐？会挽雕弓如满月，西北望，射天狼。

(27) 水调歌头

苏轼〔宋代〕

丙辰中秋，欢饮达旦，大醉，作此篇，兼怀子由。

明月几时有？把酒问青天。不知天上宫阙，今夕是何年。我欲乘风归去，又恐琼楼玉宇，高处不胜寒。起舞弄清影，何似在人间。

转朱阁，低绮户，照无眠。不应有恨，何事长向别时圆？人有悲欢离合，月有阴晴圆缺，此事古难全。但愿人长久，千里共婵娟。

(28) 游山西村

陆游〔宋代〕

莫笑农家腊酒浑，丰年留客足鸡豚。
山重水复疑无路，柳暗花明又一村。
箫鼓追随春社近，衣冠简朴古风存。
从今若许闲乘月，拄杖无时夜叩门。

(29) 破阵子·为陈同甫赋壮词以寄之

辛弃疾〔宋代〕

醉里挑灯看剑，梦回吹角连营。八百里分麾下炙，五十弦翻塞外声，沙场秋点兵。

马作的卢飞快，弓如霹雳弦惊。了却君王天下事，赢得生前身后名。可怜白发生！

(30) 过零丁洋

文天祥〔宋代〕

辛苦遭逢起一经，干戈寥落四周星。
山河破碎风飘絮，身世浮沉雨打萍。
惶恐滩头说惶恐，零丁洋里叹零丁。
人生自古谁无死？留取丹心照汗青。

(31) 天净沙·秋思

马致远〔元代〕

枯藤老树昏鸦，小桥流水人家，古道西风瘦马。夕阳西下，断肠人在天涯。

(32) 山坡羊·潼关怀古

张养浩〔元代〕

峰峦如聚，波涛如怒，山河表里潼关路。望西都，意踌躇。伤心秦汉经行处，
宫阙万间都做了土。兴，百姓苦；亡，百姓苦。

(33) 己亥杂诗·其五

龚自珍〔清代〕

浩荡离愁白日斜，吟鞭东指即天涯。
落红不是无情物，化作春泥更护花。

(34) 登高

杜甫〔唐代〕

风急天高猿啸哀，渚清沙白鸟飞回。
无边落木萧萧下，不尽长江滚滚来。
万里悲秋常作客，百年多病独登台。
艰难苦恨繁霜鬓，潦倒新停浊酒杯。

(35) 锦瑟

李商隐〔唐代〕

锦瑟无端五十弦，一弦一柱思华年。
庄生晓梦迷蝴蝶，望帝春心托杜鹃。
沧海月明珠有泪，蓝田日暖玉生烟。
此情可待成追忆，只是当时已惘然。

(36) 声声慢·寻寻觅觅

李清照〔宋代〕

寻寻觅觅，冷冷清清，凄凄惨惨戚戚。乍暖还寒时候，最难将息。三杯两盏
淡酒，怎敌他、晚来风急！雁过也，正伤心，却是旧时相识。

满地黄花堆积，憔悴损，如今有谁堪摘？守着窗儿，独自怎生得黑！梧桐更
兼细雨，到黄昏、点点滴滴。这次第，怎一个愁字了得！

(37) 菩萨蛮·人人尽说江南好

韦庄〔唐代〕

人人尽说江南好，游人只合江南老。春水碧于天，画船听雨眠。

垆边人似月，皓腕凝霜雪。未老莫还乡，还乡须断肠。

(38) 永遇乐·京口北固亭怀古

辛弃疾〔宋代〕

千古江山，英雄无觅孙仲谋处。舞榭歌台，风流总被雨打风吹去。斜阳草树，寻常巷陌，人道寄奴曾住。想当年，金戈铁马，气吞万里如虎。

元嘉草草，封狼居胥，赢得仓皇北顾。四十三年，望中犹记，烽火扬州路。可堪回首，佛狸祠下，一片神鸦社鼓。凭谁问：廉颇老矣，尚能饭否？

(39) 春江花月夜

张若虚〔唐代〕

春江潮水连海平，海上明月共潮生。
滟滟随波千万里，何处春江无月明。
江流宛转绕芳甸，月照花林皆似霏。
空里流霜不觉飞，汀上白沙看不见。
江天一色无纤尘，皎皎空中孤月轮。
江畔何人初见月？江月何年初照人？
人生代代无穷已，江月年年望相似。
不知江月待何人，但见长江送流水。
白云一片去悠悠，青枫浦上不胜愁。
谁家今夜扁舟子？何处相思明月楼？
可怜楼上月裴回，应照离人妆镜台。
玉户帘中卷不去，捣衣砧上拂还来。
此时相望不相闻，愿逐月华流照君。
鸿雁长飞光不度，鱼龙潜跃水成文。
昨夜闲潭梦落花，可怜春半不还家。
江水流春去欲尽，江潭落月复西斜。
斜月沉沉藏海雾，碣石潇湘无限路。
不知乘月几人归，落月摇情满江树。

(40) 念奴娇·赤壁怀古

苏轼〔宋代〕

大江东去，浪淘尽，千古风流人物。

故垒西边，人道是，三国周郎赤壁。
乱石穿空，惊涛拍岸，卷起千堆雪。
江山如画，一时多少豪杰。
遥想公瑾当年，小乔初嫁了，雄姿英发。
羽扇纶巾，谈笑间，檣櫓灰飞烟灭。
故国神游，多情应笑我，早生华发。
人生如梦，一尊还酹江月。

(41) 涉江采芙蓉

佚名〔两汉〕

涉江采芙蓉，兰泽多芳草。
采之欲遗谁？所思在远道。
还顾望旧乡，长路漫浩浩。
同心而离居，忧伤以终老。

(42) 雨霖铃·寒蝉凄切

柳永〔宋代〕

寒蝉凄切，对长亭晚，骤雨初歇。都门帐饮无绪，留恋处，兰舟催发。执手相看泪眼，竟无语凝噎。念去去，千里烟波，暮霭沉沉楚天阔。

多情自古伤离别，更那堪，冷落清秋节！今宵酒醒何处？杨柳岸，晓风残月。此去经年，应是良辰好景虚设。便纵有千种风情，更与何人说？

(43) 水龙吟·登建康赏心亭

辛弃疾〔宋代〕

楚天千里清秋，水随天去秋无际。遥岑远目，献愁供恨，玉簪螺髻。落日楼头，断鸿声里，江南游子。把吴钩看了，栏杆拍遍，无人会，登临意。

休说鲈鱼堪脍，尽西风，季鹰归未？求田问舍，怕应羞见，刘郎才气。可惜流年，忧愁风雨，树犹如此！倩何人唤取，红巾翠袖，搵英雄泪！

(44) 氓

诗经·国风·卫风〔先秦〕

氓之蚩蚩，抱布贸丝。匪来贸丝，来即我谋。送子涉淇，至于顿丘。匪我愆期，子无良媒。将子无怒，秋以为期。

乘彼坳垣，以望复关。不见复关，泣涕涟涟。既见复关，载笑载言。尔卜尔

筮，体无咎言。以尔车来，以我贿迁。

桑之未落，其叶沃若。于嗟鸠兮，无食桑葚！于嗟女兮，无与士耽！士之耽兮，犹可说也。女之耽兮，不可说也。

桑之落矣，其黄而陨。自我徂尔，三岁食贫。淇水汤汤，渐车帷裳。女也不爽，士贰其行。士也罔极，二三其德。

三岁为妇，靡室劳矣。夙兴夜寐，靡有朝矣。言既遂矣，至于暴矣。兄弟不知，咥其笑矣。静言思之，躬自悼矣。

及尔偕老，老使我怨。淇则有岸，隰则有泮。总角之宴，言笑晏晏。信誓旦旦，不思其反。反是不思，亦已焉哉！

诗词名句集锦

1. 呼儿将出换美酒，与尔同销万古愁。（李白《将进酒》）
2. 一种相思，两处闲愁。（李清照《一剪梅》）
3. 无边落木萧萧下，不尽长江滚滚来。（杜甫《登高》）
4. 座中泣下谁最多，江州司马青衫湿。（白居易《琵琶行》）
5. 山重水复疑无路，柳暗花明又一村。（陆游《游山西村》）
6. 晴川历历汉阳树，芳草萋萋鹦鹉洲。（崔颢《黄鹤楼》）
7. 横看成岭侧成峰，远近高低各不同。（苏轼《题西林壁》）
8. 人生自古谁无死，留取丹心照汗青。（文天祥《过零丁洋》）
9. 接天莲叶无穷碧，映日荷花别样红。（杨万里《晓出净慈寺送林子方》）
10. 千呼万唤始出来，犹抱琵琶半遮面。（白居易《琵琶行》）
11. 晨兴理荒秽，带月荷锄归。（陶渊明《归园田居》）
12. 春潮带水晚来急，野渡无人舟自横。（韦应物《滁州西涧》）
13. 莫笑农家腊酒浑，丰年留客足鸡豚。（陆游《游山西村》）
14. 故不积跬步，无以至千里；不积小流，无以成江海。（荀子《劝学》）
15. 同是天涯沦落人，相逢何必曾相识。（白居易《琵琶行》）
16. 何时眼前突兀见此屋，吾庐独破受冻死亦足！（杜甫《茅屋为秋风所破歌》）
17. 精诚所至，金石为开。（《庄子·渔父》）
18. 烈士暮年，壮心不已。（曹操《龟虽寿》）
19. 烟笼寒水月笼沙，夜泊秦淮近酒家。（杜牧《泊秦淮》）
20. 醉翁之意不在酒，在乎山水之间也。（欧阳修《醉翁亭记》）
21. 纸上得来终觉浅，绝知此事要躬行。（陆游《冬夜读书示子聿》）
22. 先天下之忧而忧，后天下之乐而乐。（范仲淹《岳阳楼记》）

23. 天生我材必有用，千金散尽还复来。（李白《将进酒》）
24. 无可奈何花落去，似曾相识燕归来。（晏殊《浣溪沙》）
25. 执子之手，与子偕老。（《诗经·邶风·击鼓》）
26. 昔我往矣，杨柳依依。今我来思，雨雪霏霏。（《诗经·小雅·采薇》）
27. 羁鸟恋旧林，池鱼思故渊。（陶渊明《归园田居》其一）
28. 寻寻觅觅，冷冷清清，凄凄惨惨戚戚。（李清照《声声慢·寻寻觅觅》）
29. 长风破浪会有时，直挂云帆济沧海。（李白《行路难》）
30. 路漫漫其修远兮，吾将上下而求索。（屈原《离骚》）
31. 落霞与孤鹜齐飞，秋水共长天一色。（王勃《滕王阁序》）
32. 绿树村边合，青山郭外斜。（孟浩然《过故人庄》）
33. 但愿人长久，千里共婵娟。（苏轼《水调歌头·水调歌头》）
34. 落红不是无情物，化作春泥更护花。（龚自珍《己亥杂诗》）
35. 沉舟侧畔千帆过，病树前头万木春。（刘禹锡《酬乐天初逢席上见赠》）
36. 明月松间照，清泉石上流。（王维《山居秋暝》）
37. 欲把西湖比西子，淡妆浓抹总相宜。（苏轼《饮湖上初晴后雨》）
38. 采菊东篱下，悠然见南山。（陶渊明《饮酒》）
39. 劝君更尽一杯酒，西出阳关无故人。（王维《送元二使安西》）
40. 忽如一夜春风来，千树万树梨花开。（岑参《白雪歌送武判官归京》）
41. 千呼万唤始出来，犹抱琵琶半遮面。（白居易《琵琶行》）
42. 枯藤老树昏鸦，小桥流水人家，古道西风瘦马。（马致远《天净沙·秋思》）
43. 青，取之于蓝，而青于蓝。（《荀子·劝学》）
44. 问君能有几多愁，恰似一江春水向东流。（李煜《虞美人》）
45. 此情可待成追忆，只是当时已惘然。（李商隐《无题》）
46. 不畏浮云遮望眼，只缘身在最高层。（王安石《登飞来峰》）
47. 捐躯赴国难，视死忽如归。（《白马篇》）
48. 春蚕到死丝方尽，蜡炬成灰泪始干。（李商隐《无题》）
49. 近朱者赤，近墨者黑。（傅玄《太子少傅箴》）
50. 出师未捷身先死，长使英雄泪满襟。（杜甫《蜀相》）